

Soudard Breiz-Izel

D'an aotrou Vallée.

Enor ha meuleudi da zoudard Breiz-Izel,
Kalounek ha dispount e-kreiz tan ar brezel
War dachen an emgann eo atao ar gwella,
Morse n'e welot o kila !

DISKAN :

E neb lec'h ne gavot e bar !
An nenv a gouesfe d'an douar
Ha ne c'hellfe ket e ziskar.

Eun oan n'eo ket dousoc'h 'vit eur zoudard a Vreiz,
Met, pa 'z a en egar, e teu da veza bleiz ;
Malloz neuze d'an neb a gouez 'tre e zaouarn !
Skei a ra 'vel eun horz houarn.

War zouar 'vel war vor eo brudet e pep bro ;
Biskoaz n'en deus desket krena rôg ar maro,
Dirag e enebour ne bleg morse e benn,
Ploum e chom 'vel eur ganaben.

Er stourmajou brasa eo start evel eur roc'h,
Kaer a zo e dourta ne c'heller ket e loc'h ;
Ar « Voched » dirazan buhan 'red da guzet
Dindan an douar 'vel gozed.

En Izer, e Verdun hag e meur a lec'h all
En deus douget uhel banniel santel Bro-C'hall ;
An holl 'welas neuze ne oa ket c'hoaz trôet
Ar gwad a red en e wazied.

Penaos ne ve ket gwad ha kaloun en e greiz,
Savet 'vel ma 'z eo bet en eur vro evel Breiz ?
E lec'h ma 'z eus mor rust, gwez dero ha kerreg,
Ez eus ivez pactred barrek.

Skoit, soudarded Breiz, pa 'z eo kalet ho prec'h,
Stourmit 'vit ho mamm-vro ken na vo d'eoc'h an trec'h !
Warnoc'h gant levenez daoulagad ho tud koz
A bar eus lein ar Baradoz.

Pa stourm Doue ganeoc'h ar gounid a vo d'eoc'h ;
Dizale e tarzo deiz benniget ar peoc'h l
Ni ho kwelo distro gant ho tal kleizennet
Hag hoc'h asgre (1) medalennet.

Bro-C'hall 'vo anaoudek eun deiz en ho kenver,
Lavaret a raio ho peus graet ho tever ;
E lizerennou aour, e pleg he banniel,
Ni 'lenno neuze : BREIZ-IZEL !

BLEIZ-NEVET.

(1) Peultrin.